

ԵՎՐՈՊԱՅԻ ԴՈՒՈՐ ԲԱՑՎՈՒՄ Ե

ԻՐԱԿԼԻ ՂԱՐԻԲԱՇՎԻԼԻ. «ՉՆԱՅԱԾ ԲԱԶՄԱԹԻՎ ԽՈՉԸՆԴՈՏՆԵՐԻ, ԱՅՍՕՐ ՀԱՂԹԵՅ՝ ՄԵՐ ԵՐԿԻՐԸ, ՄԵՐ ԺՈՂՈՎՈՒՐԸ, ՄԵՐ ՃԵՄԱՐՏՈՒԹՅՈՒՆԸ»

Եվրահանձնաժողովը խորհուրդ է տալիս Եվրոպական խորհրդին՝ Վրաստանին տրամադրել Եվրամիության անդամության թեկնածու երկրի կարգավիճակ: Այս մասին նոյեմբերի 8-ին, Բրյուսելում Եվրահանձնաժողովի դռնփակ նիստի ավարտից հետո համատեղ ճեպագրույցում, հայտարարեցին Եվրահանձնաժողովի նախագահ Ուրսուլա Ֆոն Լեյենը եւ ընդլայնման հարցերով Եվրահանձնակատար Օլիվեր Վարիեյը: Եվրոպական խորհուրդը Վրաստանին թեկնածու երկրի կարգավիճակ տալու վերաբերյալ վերջնական որոշումը կկայացնի դեկտեմբերին:

- Վրաստանը պետք է թեկնածուի կարգավիճակ ստանա, քանի որ քայլերն իսկապես արված են, շնորհավորում են,- հայտարարեց Եվրահանձնաժողովի նախագահ Ուրսուլա Ֆոն Լեյենը ու հավելեց, որ Եվրահանձնաժողովը լիովին աջակցում է Վրաստանի եվրոպական ձգտմանը, Վրաստանի քաղաքացիների եվրոպական ձգտմանը:



Արձագանքելով Եվրահանձնաժողովի ընդունած որոշմանը՝ Վրաստանի վարչապետ Իրակլի Դարիբաշվիլին նշեց, որ Եվրահանձնաժողովը դրական է գնահատել եւ խորհուրդ է տալիս Վրաստանին Եվրամիության թեկնածու երկրի կարգավիճակ շնորհել:

Կառավարության ղեկավարը շնորհակալություն հայտնեց Եվրոպական խորհրդի նախագահ Շառլ

Միշելին, Եվրահանձնաժողովի նախագահ Ուրսուլա Ֆոն Լեյենին եւ ընդլայնման հարցերով Եվրահանձնակատար Օլիվեր Վարիեյին աջակցության համար:

- Մենք երախտապարտ ենք աջակցության համար եւ ուրախությամբ կշարունակենք շարժվել դեպի Եվրամիության լիիրավ անդամակցություն,- (Շարունակությունը՝ 2-րդ էջում)

ԵՎՐԱՄԻՈՒԹՅՈՒՆԸ ՃԱՆԱՉԵՅ՝ ՎՐԱՍՏԱՆԻ ԼԻՐԱՎ ԱՆԴԱՄԱԿՈՒԹՅԱՆ ԱՊԱԳԱՆ ԵՎՐՈՊԱԿԱՆ ԸՆՏԱՆԻՔՈՒՄ

Եվրամիությունը ճանաչեց Վրաստանի լիիրավ անդամակցության ապագան եվրոպական ընտանիքում եւ եւս մեկ անգամ հաստատեց իր անսասան աջակցությունը երկրի ձգտումներին ու եվրոպական ընտրությանը:

Այդ մասին հայտարարել է Վրաստանի խորհրդարանի նախագահ Շալվա Պապուաշվիլին:

Վրաստանի օրենսդիր մարմնի ղեկավարի խոսքով, դա ռազմավարական որոշման տանող

առաջին քայլն է, որը պետք է ձեռնարկի ԵՄ-ն: Ինչպես նշեց Շալվա Պապուաշվիլին, թեկնածու երկրի կարգավիճակ տրամադրելու հանձնարարականն ավարտում է մեկ կարեւոր փուլ: Միեւնույն ժամանակ, սկսվում է ԵՄ-ին անդամակցության երկար ուղին:

ՊԵՏՐՅՈՒՋԵ - 2024

ԻՐԱԿԼԻ ՂԱՐԻԲԱՇՎԻԼԻ. «2024 ԹՎԱԿԱՆԻ ՀԱՄԱՐ ԾՐԱԳՐՎԱԾ 28,5 ՄԻԼԻԱՐԴ ԼԱՐԻԻ ԲՅՈՒՋԵՆ ԹՈՒՅԼ ԿՏԱ ԱՎԵԼԱՅՆԵԼ ՈՒՍՈՒՅԻՉՆԵՐԻ, ՈՒԺԱՅԻՆՆԵՐԻ, ՊԵՏՏԱՌԱՅՈՂՆԵՐԻ ԱՇԽԱՏԱՎԱՐՁԸ, ԿԵՆՍԱԹՈՇԱԿՆԵՐԸ

Պետք է նշել, որ 2024 թվականին կատարվող բյուջեի պատկերը կհասցվի 2.5 տոկոսի, իսկ պետական պարտքը, համախառն ներքին արտադրանքի նկատմամբ կկազմի 38,2 տոկոս, ինչը շատ ցածր ցուցանիշ է, եթե հաշվի առնենք այն հանգամանքը, որ ընդամենը 3 տարի առաջ այն կազմում էր 60 տոկոս:

ԵՆԴԱՊԱՏԿՎԵԼ Ե ԶԱՄԱՆԱԴՈՒՆ ՆԵՐՔԻՆ ԱՐՏԱԴՐԱՆՔԸ

Ինչպես նշեց վարչապետը, 2024 թվականի համար պետական բյուջեն ծրագրված է 28 միլիարդ 500 միլիոն լարիի չափով, ինչը 700 միլիոն լարիով գերազանցում է մինչ այդ մշակած բյուջեի նախագծով նախատեսված գումարը:

Իրակլի Դարիբաշվիլու խոսքով, 2024 թվականի բյուջեն ծրագրվել է 5 տոկոսի տնտեսական աճի կանխագծմամբ, ինչը բույլ կտա հաջորդ տարվա համար համախառն ներքին արտադրանքի ծավալը հասցնել 85 միլիարդ 370 միլիոն լարիի:

Ինչ վերաբերում է համախառն ներքին արտադրանքի ծավալին, ապա 2024 թվականին այն կկազմի 85 միլիարդ 370 միլիոն լարի: Համեմատության համար հանրությանը հիշեցնեմ, որ 2012 թվականին այն կազմում էր ընդամենը 27 միլիարդ լարի, այսինքն, 11 տարվա ընթացքում երկրի տնտեսական աճը հնարավորություն ընձեռեց եռապատկել համախառն ներքին արտադրանքը,- հայտարարեց վարչապետն ու հավելեց, որ 2027 թվականի համար ծրագրված է համախառն ներքին արտադրանքի ծավալը հասցնել մինչեւ 108 միլիարդ լարիի, որը բնակչության մեկ շնչի հաշվով կկազմի 10 800 դոլար:

- Ցանկանում եմ հիշեցնել նաեւ, որ 2020 թվականին համախառն ներքին արտադրանքը կազմում էր 50 մի-



լիարդ լարի, այսինքն, երեք տարվա ընթացքում ունենք 30 միլիարդ լարիի աճ: Եվ եթե երեք տարի առաջ բնակչության մեկ շնչի բաժինը կազմում էր 4 250 դոլար, ապա 2024 թվականին այդ ցուցանիշը կհասնի 8 500 դոլարի,- ընդգծեց վարչապետը:

(Շարունակությունը՝ 4-րդ էջում)

ԵՎՐՈՊԱՅԻ ԴՈՒՈՐ ԲԱՅՎՈՒՄ Է

ԻՐԱԿԼԻ ՂԱՐԻԲԱՇՎԻԼԻ. «ՉՆԱՅԱԾ ԲԱԶՄԱԹԻՎ ԽՈՉԸՆԴՈՏՆԵՐԻ, ԱՅՍՕՐ ՀԱՂԹԵՅ ՄԵՐ ԵՐԿԻՐԸ, ՄԵՐ ԺՈՂՈՎՈՒՐԸ, ՄԵՐ ՃԵՍԱՐՏՈՒԹՅՈՒՆԸ»

(Սկիզբը՝ 1-ին էջում)

հայտարարեց վարչապետը:

Եվրահանձնաժողովի ընդունած որոշման առիթով, վարչապետը շնորհավորեց երկրի բնակիչներին՝ նշելով որ այս հաղթանակն ու ճանաչումը, այս արժանի որոշումը Վրաստանի ժողովրդին է՝ ի դեմս երկրի կառավարության:

- Եվս մեկ անգամ ուզում եմ շնորհակալություն հայտնել մեր թիմին, կառավարությանը, արտաքին գործերի նախարարությանը, մեր դիվանագետներին, մեր խորհրդարանին, քանի որ ընդունվել է ստեղծվել են 100-ից ավելի փաստաթղթեր, հսկայական աշխատանք, անկասկած պետք է ասել, որ ամբողջ թիմն է արել: Այժմ մենք շարունակելու ենք մշտական երկխոսությունը, ինչպես նախկինում արել ենք մեր եվրոպացի գործընկերների հետ: Մենք սերտ համագործակցելու ենք մեր եվրոպացի ընկերների հետ, եւ որ չնայած բազմաթիվ խոչընդոտների, դիմադրությունների, դիվերսիաների ու սադրանքների, բազմաթիվ կործանարար գործողությունների, ներքին եւ արտաքին թշնամիների համատեղ համակարգված գործողությունների, հաղթելու ենք, մեր երկիրն այսօր հաղթեց, մեր ժողովուրդը հաղթեց, հաղթեց մեր ճշմարտությունը: Եվս մեկ անգամ սրտանց շնորհավորում ենք բոլորին այսօրվա ճանաչ-

ման կապակցությամբ,- հայտարարեց Իրակլի Ղարիբաշվիլին:

Նշենք, որ Եվրահանձնաժողովի կողմից տարածած պաշտոնական հայտարարության մեջ նշված է, որ Եվրամիությանն անդամակցելու իրենց ձգտման հետ՝ կապված Վրաստանի, Ուկրաինայի, Մոլդովայի եւ Բոսնիա ու Հերցեգովինայի քաղաքացիների համար եւս մեկ պատմական քայլ կատարվեց:

«Մենք ընդունել ենք 2023 թվականի ընդլայնման փաթեթը, որը խորհուրդ է տալիս բանակցություններ սկսել Ուկրաինայի եւ Մոլդովայի հետ, Վրաստանին թեկնածուի կարգավիճակ տրամադրել եւ Բոսնիա ու Հերցեգովինայի հետ անդամակցության բանակցություններ սկսել: Մեր միության կատարելությունը բնական հորիզոն է»,- ասված է Եվրահանձնաժողովի հայտարարության մեջ:

Հիշեցնենք, որ «Վրացական երազանք»-ի նախագահ Իրակլի Կոբախիձեն դեռեւս 2022 թվականի մարտին հայտարարեց, որ Վրաստանը դիմել է Եվրամիությանը անդամակցության թեկնածուի կարգավիճակ ստանալու համար: Նույն թվականի մարտի 3-ին Վրաստանի վարչապետ Իրակլի Ղարիբաշվիլին ստորագ-



րեց Վրաստանի անդամակցության պաշտոնական դիմումը:

2022 թվականի հունիսին Ուկրաինայի եւ Մոլդովային շնորհվեց ԵՄ անդամակցության թեկնածուի կարգավիճակ, սակայն Վրաստանին՝ ոչ: Այն ժամանակ ԵՄ պետությունների ղեկավարները հայտարարել էին, որ պատրաստ են Վրաստանին եւս շնորհել այդ կարգավիճակը՝ նրա կողմից 12 պայմանների կատարման դեպքում: Դրանք ներառում են բարեփոխումներ օրենքի գերակայության, մարդու իրավունքների, ՉԼՄ-ների ազատության ոլորտներում:

ՄԻՋՈՑԱՌՈՒՄ ՎՐԱՍՏԱՆՈՒՄ ՆԱՏՕ-Ի ԳՐԱՍԵՆՅԱՎՈՒՄ

ՎԻՐԱՅԱՅՈՑ ԹԵՄԻ ԱՌԱՋՆՈՐԴ ՏԵՐ ԿԻՐԱԿՈՍ ԵՂԻՍԿՈՂՈՍ ԴԱՎԹՅԱՆԸ ՄԱՍՆԱԿՅԵՅ ՆԱՏՕ-Ի ԺՈՂՈՎՐԴԱԿԱՆ ԴԻՎԱՆԱԳԻՏՈՒԹՅԱՆ ԾՐԱԳՐԻ ԱԶԱԿՅՈՒԹՅԱՆ ՀԱՆԴԻՊՄԱՆԸ

Նոյեմբերի 6-ին Վիրահայոց թեմի առաջնորդ Տեր Կիրակոս եպիսկոպոս Դավթյանը, „Together for Georgia's euro-Atlantic Choice“ նախագծի շրջանակներում, մասնակցեց Վրաստանում ՆԱՏՕ-ի դաշնակից գրասենյակի տնօրեն Ալեքսանդր Վինկլովի հետ կայացած հանդիպմանը: Վիրահայոց թեմի առաջնորդին ուղեկցում էին սարկավագներ Գեորգ Ավետիսյանն ու Գիորգի Աբրահամյանը:

Հանդիպմանը, որը կազմակերպել էր Վրաստանի «21-րդ դար» միությունը, ներկա էին Վրաց Ուղղափառ եկեղեցու թեմերի առաջնորդները, Վրաստանի արտաքին գործերի եւ պաշտպանության նախարարությունների ներկայացուցիչներ, Համայն Վրաստանի մուսուլմանական վարչության առաջնորդը:

Հանդիպման նպատակն էր կրոնական միավորումների ներկայացուցիչներին իրազեկել Զյուսիսատլանտյան դաշինքի (ՆԱՏՕ) եւ Վրաստանի համագործակցության արդի փուլի մասին: Վրաստանի պաշտպանության փոխնախարար Գրիգոր Գիորգաձեն իր ելույթում խոսեց Վրաստան-ՆԱՏՕ դաշինքի համագործակցության հանգուցային հարցերի մասին, ուշադրությունը բեւեռեց Վրաստանում բազմազգ զինավարժություններ

անցկացնելու նշանակությանը: ՆԱՏՕ-ի դաշնակից գրասենյակի ղեկավար Ալեքսանդր Վինկլովը, խոսելով ՆԱՏՕ-Վրաստան հարաբերությունների մասին, ընդգծեց համագործակցության լծակները եւ Վրաստանի համար դաշինքի գործնական ու քաղաքական աջակցությունը:

Վիրահայոց թեմի մանլո դիվան



ԴԻՄԱԿԱՅՈՒԹՅԱՆ ԳՈՏԻ

ԱՊՕՐԻՆԻ ԶԵՐԲԱԿԱԼՈՒԹՅԱՆ ՌՈՒՄ ՕԿՈՒՊԱՆՏՆԵՐԻ ՓՈՐՁՆ ԱՎԱՐՏՎԵՑ ԹԱՄԱԶ ԳԵՆՏՈՒՐՈՒ ՄՊԱՆՈՒԹՅԱՄԲ

Վրաստանի պետանվտանգության ծառայությունը տեղեկացրել է, որ Նոյեմբերի 6-ին ռուս օկուպանտները, Ցխինվալիի բռնագրավված տարածաշրջանի Կիրբալի գյուղի մերձակայքում տեղի բնակչին ապօրինի ձերբակալելու փորձի ժամանակ, սպանել են Վրաստանի քաղաքացի Թամազ Գենտուրուն, եւ ապօրինի ձերբակալել եւս մեկ քաղաքացու՝ Լեւան Դոթիաշվիլուն, թեւ վերջինիս, մի քանի օր անց, ազատ են արձակել:

Տեղի ունեցած միջադեպի կապակցությամբ իրենց բողոքն են հայտնել Վրաստանի վարչապետ Իրակլի Ղարիբաշվիլին, նախագահ Սալոմե Զուրաբիշվիլին:

Ինչպես հայտարարեց Վրաստանի վարչապետը, միջադեպը մեկ անգամ եւս հաստատում է տեղում անվտանգության ծանր միջավայրը եւ խոսում է օկուպացիայի ծանր հետեւանք-

ների մասին: Վարչապետի խոսքով, այս առումով գործարկվել են բոլոր համապատասխան մեխանիզմները, տեղեկացվել են միջազգային գործընկերները:



ԱՐԶԻԼ ԹԱԼԱԿԱԶԵ. «ՌՈՒՄԱՍՏԱՆԻ ՌԻԴՈՒԹՅԱՄԲ ՅՈՒՐԱՔԱՆՉՅՈՒՐ ԲԱՅԼ ԴԵՏՔ Է ԱՐՎԻ ՄԵԾ ԶԳՈՒՇՈՒԹՅԱՄԲ»


Վրաստանի խորհրդարանի փոխնախագահ Արչիլ Թալակաձեն, արձագանքելով Կիրբալի գյուղի մոտակայքում տեղի ունեցած ողբերգական միջադեպի կապակցությամբ ընդդիմության մեղադրանքներին, հայտարարեց, որ միայն խաղաղության պահպանումով է հնարավոր պաշտպանել մեր քաղաքացիներին:



Իշխանության ջանքերով 11 տարի երկրում տիրում է խաղաղություն, որը սակայն պահանջում է մեծ պատասխա-

նատվությամբ տարվող քաղաքականություն, որի դեմ էլ հանդես է գալիս արմատական ընդդիմությունը:

- Դիմում եմ ընդդիմությանը՝ անպատասխանատու հայտարարություններ անելու փոխարեն, գերադասելի է ցավակցություն հայտնեց զոհվածի հարազատներին: Հենց ձեր քաղաքականության արդյունքն է, որ ռուսները գտնվում են այստեղ: Եվ ընդհանրապես, Ռուսաստանի ուղղությամբ յուրաքանչյուր քայլ իշխանության կողմից պետք է արվի մեծ զգուշությամբ,- հայտարարել է Արչիլ Թալակաձեն:



ԻՍՐԱՅԵԼ-ՉԱՄԱՍ

ԳԱԶԱՆ ՀՐԶԱՓԱԿԵԼ Է

Իսրայելի պաշտպանության բանակը (ՑԱԽԱԼ) մտել է Գազա (Գազայի հատվածի վարչական կենտրոն)՝ ավարտելով շրջափակումը:

ՑԱԽԱԼ-ի ներկայացուցիչը հայտարարել է, որ քաղաքի շրջապատումից հետո ռազմաճակատն ու ավիացիան օգնում են հետեւակին եւ զրահատեխնիկային հարվածներ հասցնել ԳԱՄԱՍ-ի հրամանատարական կենտրոններին, հրթիռների արձակման վայրերին ու այլ ենթակառուցվածքներին:

Իսրայելական ռազմական գործողության ընթացքում Գազայի հատվածի ինտենսիվ ռմբակոծություններից արդեն զոհվել է ավելի քան 10 հազար պաղեստինցի, 26 000-ից ավելի մարդ վիրավոր է, սակայն շարունակվող ցամաքային ներխուժումը Գազայի հատված կհանգեցնի էլ ավելի մեծ թվով զոհերի:

ԹՈՒՐԶԻԱ

ԻՍՐԱՅԵԼԻՑ ԴԵՍՊԱՆԸ ՀԵՏ Է ԿԱՆԶՎԵԼ

Թուրքիայում հայտարարել են, որ Իսրայելից հետ են կանչում իրենց դեսպանին խորհրդակցությունների համար՝ կապված Գազայում հրադադարի համաձայնություն հաստատելու Իսրայելի մերժման հետ:

Իսրայելն ասում է, որ մտադիր է շարունակել պատերազմը, քանի դեռ չի ոչնչացնել ԳԱՄԱՍ-ի իշխանությունը Գազայում: Նաեւ Իսրայելի վարչապետ Բենիամին Նեթանյահուն ասել է, որ կրակը չի դադարի այնքան ժամանակ, քանի դեռ Գազայում ավելի քան 240 պատանդ ազատ չի արձակվել:

ՌՈՒՄԱՍՏԱՆ - ՌԻԿՐԱԽԱ

ԴԻՄԱԿԱՅՈՒԹՅԱՆ

ԷՂԻԿԵՆՏՐՈՆԸ ԱՎԴԵԵՎԱԿԱՆ Է

Ընդհարումները շարունակվում են ռուս-ուկրաինական ռազմաճակատի գրեթե բոլոր տեղամասերում, թեւ ամենաթեժ կրիվներն ընթանում են Ավդեւեկայի շուրջը:

Ուկրաինական կողմի տարածած տեղեկատվության համաձայն, 2022 թվականի փետրվարից ի վեր ռուսական կողմը կորցրել է 5 293 տանկ, 9 974 զրահամեքենա, 7 410 հրետանային համակարգ, 322 ինքնաթիռ եւ 306 860 զինծառայող:

ՌՈՒՄԱՍՏԱՆ

ԴՈՒՐՄ ԵԿԱՎ ԵՎՐՈՊԱՅԻ ՍՈՎՈՐԱԿԱՆ ՄՊԱՈԱԶԻՆՈՒԹՅՈՒՆՆԵՐԻ ՄԱՍԻՆ ՊԱՅՄԱՆԱԳՐԻՑ

Ռուսաստանը դուրս եկավ Եվրոպայում սովորական սպառազինությունների մասին պայմանագրից:

Նշված համաձայնագիրը քվտաներ է սահմանել ռազմական տեխնիկայի, այդ թվում՝ տանկերի, հրետանու, ուղղաթիռների եւ ինքնաթիռների համար:

Ըստ Ռուսաստանի ԱԳՆ-ի, Եվրոպայում սովորական սպառազինությունների մասին կոնվենցիայից դուրս գալուց հետո, 1990 թվականի Բուդապեշտի հուշագիրը, որով Ուկրաինային անվտանգության երաշխիքներ էր տրամադրվել, Մոսկվայի համար կորցնում է իր վավերականությունը:

Եվրոպայում սովորական սպառազինությունների մասին պայմանագիրը ստորագրվել է 1990 թվականի Նոյեմբերի 19-ին ՆԱՏՕ-ի անդամ 16 երկրների եւ Վարշավայի պայմանագրի վեց երկրի միջեւ:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՎՐԱՍՏԱՆ - ՆԱՏՕ

ՀԱՄԱՏԵՂ ՆԻՍՏՈՒՄ ՔՆՆԱՐԿՎԵՑԻՆ ԴԱՇԻՆՔԻ ՀԵՏ
ՀԱՄԱԳՈՐԾԱԿՑՈՒԹՅԱՆ ՀԻՄՆԱԿԱՆ ՈՒՂՈՒԹՅՈՒՆՆԵՐԸ

Նոյեմբերի 9-ին Վրաստան այցի շրջանակներում, ՆԱՏՕ-ի ռազմական կոմիտեն Վրաստանի հետ համագործակցության ձեռնարկով անցկացվեց ռազմական կոմիտեի լիազոմար նիստ:

Նիստին ելույթ ունեցան Վրաստանի պաշտպանության նախարար Զուրաբ Բուրժուլաձեն, ՆԱՏՕ-ի ռազմական կոմիտեի նախագահ, ծովակալ Ռոբ Բաուերը եւ Վրաստանի պաշտպանության ուժերի հրամանատար, գեներալ-մայոր Գիորգի Մաթիաշվիլին:

Հանդիպումից հետո, ՆԱՏՕ-ի ռազմական կոմիտեի նախագահ, ծովակալ Ռոբ Բաուերը եւ Վրաստանի պաշտպանության ուժերի հրամանատար, գեներալ-մայոր Գիորգի Մաթիաշվիլին

լին հանդես եկան համատեղ հայտարարություններով:

Այցի շրջանակներում, Ռազմական կոմիտեի նախագահը հանդիպեց պաշտպանության նախարարի եւ խորհրդարանի նախագահի հետ:



ԻՐԱԿԻՃԱԿ

ՍԱՄՅԻՆԵ-ԶԱՎԱԽԵԹՈՒՄ ԵՎ ՔՎԵՍՈ ՔԱՐԹԼԻՈՒՄ ԱՐՏԱԴՐՎԱԾ
ՊԱՆԻՐՆԵՐԻ ՆՄՈՒՇՆԵՐՈՒՄ ՀԱՅՏՆԱԲԵՐՎԵԼ ԵՆ ԲՈՒՍԱԿԱՆ ՃԱՐՊԵՐ

Յոկտեմբերի 8-ին Վրաստանի պարենամթերքի ազգային գործակալության տեսուչները վերահսկողության շրջանակներում վերցրել են կաթի եւ կաթնամթերքի 20 մմուշ՝ պարզելու դրանցում կաթնային ճարպի մաքրության աստիճանը:

Նմուշները ուղարկվել էին հավաստագրված լաբորատորիա: Ստուգման արդյունքում, վրացական արտադրության պանրի չորս տեսակներում հայտնաբերել են բուսական ճարպեր: Երկու խախտում է հայտնաբերվել Բոլնիսի մունիցիպալիտետի Ռատեւանի գյուղում, որտեղ սուլգունի տեսակի պանրի մեջ հայտնա-

բերվել է 9 տոկոս բուսական ճարպ, իսկ երկրորդում՝ 12 տոկոս: Եվս մեկ խախտում հայտնաբերվել է Ծալկայի մունիցիպալիտետի Սակադրիոնի գյուղում: Այստեղ պատրաստված իմերեթյան պանիրը, բացի կաթնային ճարպից, պարունակում էր 16 տոկոս բուսական ճարպ: Նիմոծմիդայի մունիցիպալիտետի Օռ-

լովկա գյուղում պատրաստած իմերեթյան պանրի մեջ եւս հայտնաբերվել է 20 տոկոս բուսական ճարպ:

Տեխնոլոգիական խախտումով պատրաստված մթերքը շուկայից բռնագրավվել է:

Կաթի եւ կաթնամթերքի տեխնիկական պայմանակարգի համաձայն, որն ուժի մեջ է մտել 2018 թվականի օգոստոսից, ամբուլատորիկ է կաթնամթերքի մեջ բուսական ճարպերի կամ այլ ճարպերի առկայությունը:

ՈՉԽԱՐՆԵՐԻ ԱՐՏԱՀԱՆՄԱՆ ԱՎԵԼԱՑՈՒՄԸ ՊԱՅՄԱՆԱՎՈՐՎԱԾ Ե
ՆԵՐԿՐՄԱՆ ԾԱՎԱԼԻ ԱՎԵԼԱՑՄԱՄԲ

Նախորդ տարիների համեմատ, 2023 թվականին Վրաստանից ոչխարների արտահանման ծավալը նշանակալի ավելացել է, թեւս արտահանման ծավալի ավելացումը մասնակիորեն պայմանավորված է ներկրման ծավալի մեծացման հետ:

Վիճակագրական տվյալներով, այս տարի Վրաստանում ոչխարների արտահանումը հասել է ռեկորդային ցուցանիշի: Արտահանվել է 11 526,66 տոննա ոչխար, ընդհանուր արժողության 32 497,65 հազար դոլար: Այս ցուցանիշը, նախորդ տարվա համապատասխան տվյալների համեմատ, կենդանի քաշի հաշվով գերազանցում է 99, իսկ արժողության տեսակետից՝ 94 տոկոսով:

Վիճակագրական տվյալներով, ընթացիկ տարվա ինն ամիսներից, Վրաստանն Ադրբեջան է արտահանել 14 001,83 հազար դոլարի (6 250,48 տոննա ոչխար), Սաուդյան Արաբիա՝ 8 924,46 հազար դոլարի (1 947,72 տոննա):

Հատկանշական է այն, որ վիճակագրական տվյալներով, երկրում ոչխարների գլխաքանակը պահպանվել է, թեւս նախորդ տարվա համեմատ, այն նշանակալի նվազել է:

ՏԱՐԱԾԱՆԵՐԶԱՆ

ԱՆՍԱԼՔԱՆՔԻ, ԲԱՆԱՍՏԵԾՈՒԹՅՈՒՆՆԵՐԻ
ԵՎ ԱՄՈՒՆԻ ԺՈՒՍՈՆ՝ ՔԱՐԱՔՐԵՏԱՐԱՆԻ
ՆԱԽԱՅԵՐՈՒԹՅԱՐ



Նոյեմբերի 6-ին Ախալքալաքի քաղաքապետարանի մշակույթի տան կազմակերպմամբ եւ քաղաքապետարանի աջակցությամբ անցկացվեց «Բանաստեղծության գեղարվեստական ասմունք» փառատոն-մրցույթը:

Հատուկ այս փառատոնի համար ստեղծված ժյուրին ընտրեց հաղթող մասնակիցներին եւ նրանց հանձնեց տարբեր մրցանակներ, պատվոգրեր ու նվերներ, ինչպես եւ պատվավոր կոչումներ:

Փառատոնի գլխավոր մրցանակին արժանացավ Ալյոնա Ծառուկյանը: Մրցանակային տեղեր զբաղեցրին նաեւ Յանա Աֆրիկյանը, Լաուրա Շիրինյանն ու Թելման Սուսիկյանը: Հանդիսատեսի համակրանքի մրցանակը բաժին ընկավ Սոնթե Բերակչյանին:

Միջոցառմանը մասնակցում էին տեղական ինքնակառավարման մարմինների ներկայացուցիչներ, հրավիրված հյուրեր ու քաղաքացիներ՝ տարբեր վարչական միավորներից:

ԱՆՍԱԼՔԻՆԵ, ԿԱՅԱՅԱՎ ՍԱՀՄԱՆՈՒԹՅԱՆ
ՀՆԱՐԱՎՈՐՈՒԹՅՈՒՆՆԵՐ ՈՒՆԵՅՈՂ
ԱՆՁԱՆՅ ՀԱՐՅԵՐՈՎ ԽՈՐՀՐԴԻ ՆԻՍՏ

Նոյեմբերի 7-ին Ախալքալաքի մունիցիպալիտետի քաղաքապետարանում անցկացվեց սահմանափակ հնարավորություններ ունեցող անձանց հարցերով գործող խորհրդի հերթական նիստը:

Խորհրդի անդամներին ներկայացրին պետության եւ Ախալքալաքի մունիցիպալիտետի 2023 թվականի սոցիալական նպաստների հանձնման շրջանակներում իրականացվող նախագծերը, քննարկվեցին առաջիկա ծրագրերը: Նշենք, որ սահմանափակ հնարավորություններ ունեցող անձանց հարցերով գործող խորհուրդը Ախալքալաքի մունիցիպալիտետի քաղաքապետի խորհրդակ-



ցական մարմինն է, որն իր իրավասությունների շրջանակներում քննարկում է մունիցիպալիտետի տարածքում ապրող սահմանափակ հնարավորություններ ունեցող անձանց առնչվող հարցեր:

Խորհրդի կազմում են քաղաքապետարանի ոչ կառավարական կազմակերպությունների սոցիալական

սպասարկման գործակալության Սամցխե-Ջավախեթի երկրամասային կենտրոնի ներկայացուցիչներ եւ մունիցիպալիտետի բնակիչներ:

Խորհրդի հերթական նիստին մասնակցեց Ախալքալաքի մունիցիպալիտետի փոխքաղաքապետ Ռուբեն Կարապետյանը:

ՄԱՌՆԵՈՒԼԻ. ՄԻՆԶԵԿ
ՏԱՐԵՎԵՐԶ ԿԱՎԱՐՏՎԻ ՍԱՀՄԱՆՈՒԹՈՒ
ԱՂԲՅՈՐԹԻ- ՀԱՅԱՍՏԱՆԻ ՍԱՀՄԱՆ
ՃԱՆԱՊԱՐՀԻ ՎԵՐԱՆՈՐԳՈՒՄԸ

Սառնեուլիի մունիցիպալիտետի Սաղախլո-Ծոփ-Աղբյուրի-Հայաստանի սահման 25 կմ երկարության ճանապարհի՝ Սաղախլո-Աղբյուրի 9-18 կմ հատվածի վերանորոգման աշխատանքները նախատեսվում է ավարտել մինչեւ տարեվերջ:

Նշենք, որ վերանորոգման աշխատանքները սկսվել են 2021-ի դեկտեմբերին եւ, ըստ նախնական պայմանագրի, պետք է ավարտվեին 2023 թվականի մարտի 13-ին: Հինաշխատանքներն իրականացնում է «Իբերի» ընկերությունը (տնօրեն՝ Նիկոլոզ Չախվաշվիլի), որի աշխատանքների ավարտը երկարաձգել է երեք անգամ: Պատվիրատուի եւ աշխատանքներն իրականացող ընկերության միջեւ 2021 թվականի դեկտեմբերի 9-ին կնքված պայմանագրում մինչ օրս կատարվել է 14 փոփոխություն: Վերջին փոփոխության համաձայն, աշխատանքները պետք է ավարտվեին սեպտեմբերի 30-ին, թեւս այս ժամկետում եւս չտեղավորվելու պատճառով ընկերությունն այժմ պարտավորված է աշխատանքները «տուգանված ռեժիմով» անցկացնել, եւ ավարտել մինչեւ ընթացիկ տարվա դեկտեմբերի 30-ը:

Պատրաստեց ԱՐԵՎԻԿ ՄԱՆՈՒԿՅԱՆԸ

ՎՐԱՍՏԱՆԸ ԿՈՌՈՒՊՑԻԱՅԻ ՑԱԾՐ
ՄԱԿԱՐԴԱԿՈՎ ՏԱՐԱԾԱՆԵՐԶԱՆՈՒՄ
ԱՌԱՋԱՏԱՐ Է

Աշխարհի առաջատար վերլուծական կենտրոնը՝ շվեյցարական «Global Risk Profile» (GRP) կազմակերպությունը հրապարակել է «Կոռուպցիայի համաշխարհային ինդեքս 2023»-ը:

Վրաստանը վարկանիշում առաջադիմել է երկու տեղով, աշխարհի 196 երկրների եւ տարածքների թվում եղել է լավագույն 25 տոկոսում եւ զբաղեցրել աշխարհում 43-րդ տեղը:

Սեւծովյան տարածաշրջանում, Կովկասում եւ Կենտրոնական Ասիայում այն զբաղեցրել է առաջին տեղը եւ միակ երկիրն է, որն ունի «կոռուպցիայի ցածր մակարդակ» կարգավիճակ:

ԱՌԱՎԵԼԱԳՈՒՅՆ ԳՆԻ ՇԵՄԻՆ ՀԱՍԱԾ
ԴԵՐՈՐԱՅՔԻ ՑԱՆԿԸ ԸՆԴԱՅՆԱԿՈՒՄ Է

Առավելագույն գնի շեմին (ռեֆերենտային) հասած դեղերի ցանկն ընդլայնվում է: Վրաստանի ներքին տեղահամավաճների, աշխատանքի, առողջապահության եւ սոցիալական պաշտպանության նախարարության փոխանցմամբ՝ ընդհանուր առմամբ առավելագույն գնի շեմ է սահմանվել ավելի քան 3200 դեղամիջոցի համար:

Բարեփոխման նպատակը քաղաքացիների համար դեղերի առավելագույն հասանելիության ապահովումն է: Փոփոխության հետեւանքով դեղագործական արտադրանքի գինը միջինը նվազել է 40 տոկոսով:

ՏԱՐԱԴՐԱՄԻ ՓՈԽԱՆԱԿՄԱՆ
ԿՈՒՐՍԸ
(10 նոյեմբերի)

Ազգային բանկի կողմից սահմանվել է տարադրամի հետեւյալ կուրսը.

Տարադրամ	Լարի
1 ԱՄՆ ԴՈԼԱՐ	2.7048
1 ԵՎՐՈ	2.8914
100 ՌՈՒՔԼԻ	2.9366
1000 ԴՐԱՄ	6.7460

ՖԻԼԱՆՍՆԵՐԻ ՆԱԽԱՐԱՐՈՒԹՅԱՆ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ